

Broj: 06-11-284/2025-R-16-8
Sarajevo, 11.12.2025. godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24), na prijedlog stalne Komisije za provođenje postupaka javne nabavke roba, usluga i radova, imenovane Rješenjem, broj: 08-30-253/2025 od 07.02.2025. godine, sekretar Vlade Federacije Bosne i Hercegovine, d o n o s i

O D L U K U
O PONIŠTENJU POSTUPKA JAVNE NABAVKE ROBA – NABAVKA SOFTVERSKOG
RJEŠENJA ZA PRIPREMU I ODRŽAVANJE SJEDNICA VLADE FEDERACIJE
BOSNE I HERCEGOVINE

I.

Poništava se postupak javne nabavke: Otvoreni postupak za javnu nabavku roba – nabavka softverskog rješenja za pripremu i održavanje sjednica Vlade Federacije Bosne i Hercegovine, evidencijski broj nabavke: 06-11-284/2025-R-16-1, broj Obavještenja o nabavci sa portala javnih nabavki: 854-1-1-129-3-30/25 od 21.10.2025. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 63/25, s obzirom da nijedna od primljenih ponuda nije prihvatljiva.

II.

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-11-284/2025-R-16 od 15.10.2025. godine. Javna nabavka provedena je putem Otvorenog postupka. Ukupna procijenjena vrijednost nabavke iznosila je 85.470.000,00 KM bez PDV-a.

Obavijest o nabavci, broj: 854-1-1-129-3-30/25 poslana je na objavu 21.10.2025. godine, te je istog dana objavljena na portalu javnih nabavki. Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 63/25.

Tendersku dokumentaciju preuzelo je 29 (dvadesetdevet) privrednih subjekta, a 3 (tri) ponuđača su dostavila ponude u predmetnom postupku nabavke.

Ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: ORBICODE d.o.o. Sarajevo, ARTCO GROUP d.o.o. Sarajevo, GRUPA PONUĐAČA - KONZORCIJ: ORKA d.o.o. – BH TELECOM d.d. Sarajevo.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-253/2025 od 07.02.2025. godine, izvršila je pregled i ocjenu pristiglih ponuda, te konstatovala da nijedna od primljenih ponuda nije prihvatljiva.

Ponuda ponuđača ORBICODE d.o.o. Sarajevo, sa registriranim sjedištem u Sarajevu, ID broj: 4201929920007, ocijenjena je neprihvatljivom iz sljedećih razloga:

Tenderskom dokumentacijom, poglavlje *III UVJETI ZA KVALIFIKACIJU*, tačka 1.2. podtačka c., između ostalog, traženo je:

„c. U svrhu dokazivanja ispunjavanja uvjeta iz tačke 1.1. podtačka f) u pogledu ekonomske i finansijske sposobnosti ponuđač je dužan dostaviti:

- Potvrdu poslovnice banke o solventnosti ponuđača, odnosno da u proteklih 12 (dvanaest) mjeseci, uključujući i datum objavljivanja Obavještenja o nabavci (- 21.10.2025. godine), transakcijski račun ponuđača nije bio blokiran
- Pozitivan Bilans uspjeha za 2024. godinu.

Dokazi se dostavljaju kao obične kopije zajedno sa Izjavom koju ovjerava ponuđač u formi Aneksa 5 ove tenderske dokumentacije. Datum davanja izjave treba biti u periodu od 21.10.2025. godine do 11.11.2025. godine.“

- Ponuđač u Aneksu 5, nije naveo datum davanja Izjave.

Tenderskom dokumentacijom, poglavlje *III UVJETI ZA KVALIFIKACIJU*, tačka 1.1. podtačka g., alineja prva, traženo je:

„g. da ispunjavaju uvjete u pogledu tehničke i profesionalne sposobnosti (čl. 48. i 49. tač. a), c) i e) Zakona, kako slijedi:

- da imaju uspješnu realizaciju više ugovora, čiji se predmet nabavke odnosi na implementiranje softverskog rješenja za pripremu i održavanje sjednica organa kolektivnog odlučivanja ili softverskog rješenja za upravljanje dokumentima u javnoj upravi, u prethodne tri godine, ili od datuma registracije, odnosno od početka poslovanja, ako je ponuđač registriran, odnosno počeo s radom prije manje od tri godine, a čiji broj korisnika ne može biti manji od 100. Ukupna vrijednost svih ugovora treba da zbirno odgovara procijenjenoj vrijednosti nabavke bez PDV-a;“
- Ponuđač je dostavio:
- potvrdu Univerziteta u Sarajevu, broj: 0101-4364-10/25 od 16.09.2025. godine o uredno izvršenom Ugovoru o nabavci usluge „Nadogradnja i održavanje integralnog informacionog sistema EMIS ŠKOLSKA 2024/2025 godina“. U dostavljenoj Potvrdi nije naveden broj korisnika, što nije u skladu sa zahtjevima iz Tenderske dokumentacije. Pravilnikom o primjeni informacionog sistema EMIS u osnovnim i srednjim školama u Kantonu Sarajevo („Službene novine Kantona Sarajevo“, broj: 35/25) članom 1. stav (3), propisano je: „EMIS je sistem za prikupljanje, obradu i generisanje podataka i statističkih izvještaja za podršku digitalizaciji i upravljanju procesima u školama...“, što nije u skladu sa zahtjevima iz Tenderske dokumentacije o uspješnoj realizaciji ugovora, čiji se predmet nabavke odnosi na implementiranje softverskog rješenja za pripremu i održavanje sjednica organa kolektivnog odlučivanja ili softverskog rješenja za upravljanje dokumentima u javnoj upravi.
- potvrdu Univerziteta u Sarajevu, broj: 0101-6373-10/25 od 16.09.2025. godine o uredno izvršenom Ugovoru o nabavci usluge „Usluge unaprijeđenja i dogradnje FIS-a“. U dostavljenoj Potvrdi nije naveden broj korisnika, što nije u skladu sa zahtjevima iz Tenderske dokumentacije.
- potvrdu Univerziteta u Sarajevu, broj: 0101-7734-12/23 od 24.10.2024. godine o uredno izvršenom Ugovoru o nabavci usluge „Usluga razvoja informacionog sistema za izradu evidencije o ljudskim resursima“. U dostavljenoj Potvrdi nije naveden broj korisnika, što nije u skladu sa zahtjevima iz Tenderske dokumentacije.
- potvrdu Univerziteta u Sarajevu, broj: 0101-3908-10/22 od 13.09.2023. godine o uredno izvršenom Ugovoru o nabavci usluge „Unapređenje i održavanje

informatičnog sistema EMIS i održavanje i unapređenje modula „E-Dnevnik“ za srednje škole“. U dostavljenoj Potvrdi nije naveden broj korisnika niti se predmet nabavke odnosi na implementiranje softverskog rješenja za pripremu i održavanje sjednica organa kolektivnog odlučivanja ili softverskog rješenja za upravljanje dokumentima u javnoj upravi, što nije u skladu sa zahtjevima iz Tenderske dokumentacije.

- potvrdu Univerziteta u Sarajevu, broj: 0101-5038-11/22 od 21.07.2023. godine o uredno izvršenom Ugovoru o nabavci usluge „Usluga razvoja softvera: Informatičnog sistema za praćenje projekata na Univerzitetu u Sarajevu.“ U dostavljenoj Potvrdi nije naveden broj korisnika, što nije u skladu sa zahtjevima iz Tenderske dokumentacije.

Također je konstatovano da Univerzitet u Sarajevu nije organ javne uprave.

- dokument potpisan i ovjeren od strane UNDP Head of Legal Governance Sector od 17. marta 2023. godine o projektu „Digitalna transformacija javnog sektora u BiH“, ne može se smatrati Potvrdom o uspješnoj realizaciji ugovora, koju daje druga ugovorna strana, čiji se predmet nabavke odnosi na implementiranje softverskog rješenja za pripremu i održavanje sjednica organa kolektivnog odlučivanja ili softverskog rješenja za upravljanje dokumentima u javnoj upravi.
- potvrdu CRS - Catholic Relief Services, broj: CRSBHSA-23/266 od 24.3.2023. godine o uspješno izvršenom radnom zadatku „Izrada informatičnog sistema za upravljanje podacima o izbjeglicama i strancima pod supsidijarnom zaštitom u Bosni i Hercegovini“, što se ne može smatrati Potvrdom o uspješnoj realizaciji ugovora, koju daje druga ugovorna strana, čiji se predmet nabavke odnosi na implementiranje softverskog rješenja za pripremu i održavanje sjednica organa kolektivnog odlučivanja ili softverskog rješenja za upravljanje dokumentima u javnoj upravi. Također, u Potvrdi nije naveden broj korisnika, što nije u skladu sa zahtjevima iz Tenderske dokumentacije.

Tenderskom dokumentacijom, u Obrascu za cijenu ponude – robe – Aneks 3, u dijelu Napomene, tačka 5., traženo je:

„5. Ponuđač je obavezan dostaviti detaljnu Tehničku dokumentaciju za ponuđeno softversko rješenje, koja će minimalno sadržavati:

- a. Arhitekturu sistema (hardverska konfiguracija, softverska konfiguracija i potrebne licence)
 - b. Osnovne karakteristike ponuđenog softverskog rješenja
 - c. Uputstvo za korištenje za IT administratore, administratore i korisnike
 - d. Izjavu da ponuđeno softversko rješenje zadovoljava minimalne tehničke karakteristike iz Tehničke specifikacije - Aneks 3a.“
- Ponuđač nije dostavio traženo pod tačkama a. b. c. i d., što nije u skladu sa Tenderskom dokumentacijom.

Ponuda ponuđača ARTCO GROUP d.o.o. Sarajevo, sa registriranim sjedištem u Sarajevu, ID broj: 4202695450008, ocijenjena je neprihvatljivom iz sljedećih razloga:

Tenderskom dokumentacijom, poglavlje III UVJETI ZA KVALIFIKACIJU, tačka 1.1. podtačka g., alineja prva, traženo je:

„g. da ispunjavaju uvjete u pogledu tehničke i profesionalne sposobnosti (čl. 48. i 49. tač. a), c) i e) Zakona, kako slijedi:

- da imaju uspješnu realizaciju više ugovora, čiji se predmet nabavke odnosi na implementiranje softverskog rješenja za pripremu i održavanje sjednica organa kolektivnog odlučivanja ili softverskog rješenja za upravljanje dokumentima u javnoj upravi, u prethodne tri godine, ili od datuma registracije, odnosno od početka poslovanja, ako je ponuđač registriran, odnosno počeo s radom prije manje od tri

godine, a čiji broj korisnika ne može biti manji od 100. Ukupna vrijednost svih ugovora treba da zbirno odgovara procijenjenoj vrijednosti nabavke bez PDV-a;

- Ponuđač je dostavio:
 - uvjerenje Operatora za obnovljive izvore energije i efikasnu kogeneraciju, broj: 02-850-1/25 od 10.11.2025. godine o dobrom izvršenju posla „Razvoj softverskog rješenja za dodjelu podsticaja za proizvodnju električne energije iz obnovljivih izvora energije putem aukcija za mala postrojenja (FIT aukcija) i aukcija za velika postrojenja (FIP aukcija)“. U dostavljenoj Potvrdi nije naveden broj korisnika, što nije u skladu sa zahtjevima iz Tenderske dokumentacije.
- Pravilnikom o aukcijama („Službene novine Federacije BiH“, broj: 94/24) članom 10. stav (1), propisano je da: „*Informacioni sistem za sprovođenje e-aukcija je skup softverskih modula, baza podataka i informacione opreme koji služi za provođenje jednog dijela aukcija u kojem se ponuđači u realnom vremenu nadmeću iznoseći ponude izmijenjene naniže.*“, što nije u skladu sa zahtjevima iz Tenderske dokumentacije o uspješnoj realizaciji ugovora, čiji se predmet nabavke odnosi na implementiranje softverskog rješenja za pripremu i održavanje sjednica organa kolektivnog odlučivanja ili softverskog rješenja za upravljanje dokumentima u javnoj upravi.

Operator za obnovljive izvore energije i efikasnu kogeneraciju nije organ javne uprave.

- potvrdu Fixit d.o.o Sarajevo od 27.12.2022. godine o dobrom izvršenju posla „Ugovor za razvoj softverskog rješenja za obradu podataka i planiranje resursa za potrebe kompanije Fixit d.o.o Sarajevo“. Ponuđač je dostavio i Ugovor o poslovnoj saradnji zaključen između Artco Group d.o.o Sarajevo i Fixit d.o.o Sarajevo, kao i Potvrdu Fonda za profesionalnu rehabilitaciju i zapošljavanje osoba sa invaliditetom, broj: 08-11-15-11630/23 od 28.08.2023. godine o uredno izvršenom ugovoru u postupku javne nabavke razvoja softverskog rješenja za obradu podataka korisnika sredstava fonda, kojom potvrđuju da je Fixit d.o.o Sarajevo uredno izvršio preuzete obaveze. U dostavljenoj Potvrdi nije naveden broj korisnika, što nije u skladu sa zahtjevima iz Tenderske dokumentacije, uz konstataciju da Fond za profesionalnu rehabilitaciju i zapošljavanje osoba sa invaliditetom nije organ javne uprave.

Tenderskom dokumentacijom, u Obrascu za cijenu ponude – robe – Aneks 3, u dijelu Napomene, tačka 5., traženo je: „5. Ponuđač je obavezan dostaviti detaljnu Tehničku dokumentaciju za ponuđeno softversko rješenje, koja će minimalno sadržavati:

- a. Arhitekturu sistema (hardverska konfiguracija, softverska konfiguracija i potrebne licence)
 - b. Osnovne karakteristike ponuđenog softverskog rješenja
 - c. Uputstvo za korištenje za IT administratore, administratore i korisnike
 - d. Izjavu da ponuđeno softversko rješenje zadovoljava minimalne tehničke karakteristike iz Tehničke specifikacije - Aneks 3a.“
- Pregledom Ponude ponuđača, iz dostavljenog sadržaja pod tačkom a. Arhitektura sistema (hardverska konfiguracija, softverska konfiguracija i potrebne licence), konstatovano je da je na stranicama 109, 110 i 111 pod naslovom „4. POTREBNE LICENCE“, podnaslov „4.4. Ukupan Budžet za licence (Procjena)“ naveo iznos € 18,000-30,000, uz napomenu da su „Cijene okvirne i zavise od Microsoft programa, Klijent može imati postojeće Enterprise Agreement sa Microsoftom, Open source komponente značajno smanjuju troškove, Volume licencing programi mogu donijeti popuste.“. Navedeni sadržaj je u suprotnosti sa tačkom 1. Napomena u Aneksu 3 – Obrascu za cijenu ponude – robe, kojom je propisano da „1. Softversko rješenje mora biti implementirano sa svim potrebnim licencama za neometano funkcionisanje (uključujući licence za bazu podataka, bilo koji softver

trećih strana), licence moraju biti trajne (ne trial ili subscription licence), bez ikakvih dodatnih troškova za Ugovorni organ.“

Također, ponuđač nije dostavio traženo pod tačkom d. *Izjavu da ponuđeno softversko rješenje zadovoljava minimalne tehničke karakteristike iz Tehničke specifikacije, što nije u skladu sa Tenderskom dokumentacijom.*

Ponuda ponuđača GRUPA PONUĐAČA - KONZORCIJ: ORKA d.o.o., sa registriranim sjedištem u Sarajevu, ID broj: 4200891300003 i BH TELECOM d.d. Sarajevo, sa registriranim sjedištem u Sarajevu, ID broj: 4200211100005, ocijenjena je neprihvatljivom iz sljedećeg razloga:

Tenderskom dokumentacijom, u Obrascu za cijenu ponude – robe – Aneks 3, u dijelu Napomene, tačka 5., traženo je: „5. Ponuđač je obavezan dostaviti detaljnu Tehničku dokumentaciju za ponuđeno softversko rješenje, koja će minimalno sadržavati:

- a. Arhitekturu sistema (hardverska konfiguracija, softverska konfiguracija i potrebne licence)
- b. Osnovne karakteristike ponuđenog softverskog rješenja
- c. Uputstvo za korištenje za IT administratore, administratore i korisnike
- d. Izjavu da ponuđeno softversko rješenje zadovoljava minimalne tehničke karakteristike iz Tehničke specifikacije - Aneks 3a.“
- Ponuđač nije dostavio traženo pod tačkama a., c. i d., što nije u skladu sa Tenderskom dokumentacijom.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-11-284/2025-R-16-7 od 10.12.2025. godine i preporuku za donošenje odluke o poništenju postupka.

Uzimajući u obzir naprijed navedeno, a shodno članu 69. stav (2) tačka d) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.

**SEKRETAR VLADE**
[Signature]
dr.sci. Edita Kalajdžić

Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove